



# NEZAVISNA LISTA TUZLANSKA ALTERNATIVA

## U budućoj organizaciji vlasti u Općini Tuzla će se zalagati:

- Da Tuzla kao centar sjeveroistočne Bosne bude povezana brzim cestama sa Sarajevom, izlazom prema Orašju i priključkom na koridor V C.
- Za ravnomjeran razvoj grada u svakom pogledu.
- Za donošenje odgovarajućih Odluka, koje će stvoriti povoljniji ambijent za povećanje broja firmi i veće zapošljavanje nezaposlenih građana Tuzle.
- Za proglašenje Tuzle gradom i reorganizacijom strukture vlasti i preraspodjelu nadležnosti, a sve sa ciljem da se napravi funkcionalnija administracija koja će udovoljiti potrebama građana Tuzle.
- U saradnji sa boračkim organizacijama javno obilježavati značajne datume iz istorije Tuzle i uključiti se u rješavanje svih problema boračke populacije: zapošljavanje, liječenje, stambeno zbrinjavanje i dr.
- U saradnji sa Vladom TK, kao i sa općinama Lukavac i Živinice nametnuti rješavanje pitanja iz ekologije, prije svega zaštita jezera Modrac i poboljšanja kvalitete zraka na ovom području kao i stvaranja turističkog potencijala.
- Za jasno definisanje statusa JU iz oblasti kulture i sporta sa posebnim akcentom na izgradnju i unapređenje objekata od značaja za građane Tuzle. (Stadion Tušanj, SKPC Mejdan, Pozorište, Galerija i dr.).
- Za povećanje stepena čistoće svih javnih površina od komunalnog otpada u svim dijelovima Općine Tuzla.
- Insistirat ćemo na efikasnijoj ličnoj zaštiti i zaštiti javnih dobara, državne i privatne imovine od strane Policijskih organa i Inspekcijских službi, a u cilju borbe protiv svih oblika nezakonitog ponašanja, kriminala i dr.
- Insistirat ćemo na provedbi Akcionog plana za borbu protiv organizovanog kriminala i korupcije.
- Za izradu socijalne karte i socijalnih programe za pomoć građanima Tuzle.
- Za vraćanje pravnog statusa mjesnim zajednicama vratiti, kao i samostalnosti u odlučivanju o lokalnoj komunalnoj problematici.

## PROGRAMSKI CILJEVI

za koje će se kandidati nezavisne liste TUZLANSKA ALTERNATIVA zalagati obuhvataju sljedeće oblasti:

1. **Ekonomski razvoj Općine Tuzla**
2. **Lokalna samouprava**
3. **Komunalna infrastruktura**
4. **Sport i kultura**
5. **Zdravstvo**
6. **Obrazovanje**
7. **Ekologija**

# 1. Ekonomski razvoj općine Tuzla

## Unapređivanje općeg ekonomskog razvoja Tuzle

Posmatrajući razvoj privrede Općine Tuzla posebno malih i srednjih preduzeća učinjeno je jako malo, skoro ništa, što je rezultiralo povećanjem stope nezaposlenosti i padom standarda svih građana. Posljedica toga je smanjenje priliva novčanih sredstava u budžet općine, u fondove koji bi trebali zbrinjavati socijalno-ugrožene kategorije kao i u fondove koji bi trebali pratiti razvoj privrede i infrastrukture. Takvo stanje dovodi i do egzistencijalne ugroženosti većine već postojećih preduzeća, pa samim tim i uposlenika zajedno sa njihovim porodicama. Budućnost i realna šansa za ekonomski razvoj Tuzle koji je prioritetni cilj TUZLANSKE ALTERNATIVE leži u razvoju industrijskih zona, malih i srednji preduzeća kao i lokalnoj poljoprivrednoj proizvodnji.

### 1.1. Industrijske zone

Ozbiljnijim planiranjem razvoja **industrijskih zona**, izradom akcionih planova, obezbjeđivanjem atraktivnog i povoljnog već postojećeg zemljišta i prostora stvorili bi se uslovi za nova inostrana kao i domaća ulaganja. U razvijenim zemljama industrijske zone su organizirane tako što svi učesnici unutar te zone su praktično dioničari u firmi koja se zove industrijska zona i koja daje servis svim firmama koje rade u njenom sistemu. Da bi se privukli investitori općina treba da ima brzu i efikasnu administraciju, da infrastrukturno pripremi industrijske zone za potencijalni ekonomski razvoj.

### Obaveze Općine Tuzla prilikom raspisivanja tendera za te parcele bi bile:

- Prodaja parcele po najnižoj cjeni koje bi utvrdilo OV Tuzla,
- Dovođenje komplet infrastrukture (putevi, vodovod, struja i dr.),
- Brzo i efikasno izdavanje svih potrebnih dozvola za gradnju.

Investitor bi se obavezao da mora zaposliti određen broj radnika, a takođe bi se obavezao da **95% zaposlenih radnika mora biti sa teritorije Općine Tuzla**.

Ovakvim djelovanjem lokalnih vlasti otvorile bi se mogućnosti osnivanja većeg broja industrijskih firmi, povećao bi se broj zaposlenih kao i sam Budžet Općine Tuzla.

### Navodimo samo neke od primjera potencijalnih lokaliteta za formiranje industrijskih zona:

1. Rudnik Soli Tuzla
2. Zemljište oko željezničke stanice Nova Kreka
3. Toplana u Kužićima
4. Simin Han- Požarnica
5. Zemljište na potezu Gornja Tuzla
6. Rudnik Buknje

## 1.2. Mala privreda

Značajan pomak u sektoru male privrede moguć je samo uz posebnu saradnju i vrlo usku povezanost među preduzećima i općinskim službama koje bi kvalitetno pružale sve vrste pomoći maloj privredi, što podrazumijeva davanje svih potrebnih informacija vezanih za zakonsku regulativu, tehničko-tehnološka zbiljanja u svijetu, obuku u rukovođenju biznisom, pomoć pri iznalaženju povoljnih sredstava, ulagača i sl. kako bi se ostvarilo što bolji ambijent za privredni razvoj.

U tom pogledu trebalo bi prije svega izvršiti kategorizaciju privrede u smislu kojom vrstom djelatnosti se bave (proizvodnja, usluga, trgovina, zatim po broju uposlenih i po stepenu razvijenosti kako bi se što kvalitetnije vršila potpora u njihovom daljem razvoju.

Posebnu pažnju obratiti na vrste djelatnosti kojih trenutno naša općina nema, te njihovim pokretanjem doprinijeti bržoj realizaciji razvojnog projekta.

## 1.3. Poljoprivreda

Poljoprivredni kapacitet općine Tuzla predstavlja osim izvora domaće proizvodnje i potencijal za otvaranje novih radnih mjesta, te kao takav ne smije biti zanemaren u kontekstu ekonomskog razvoja općine. **TUZLANSKA ALTERNATIVA** predlaže konkretne mjere koje bi stimulisale proizvodnju i razvoj u ovoj oblasti:

- Obezbeđivanje besplatnih obilježenih prodajnih mjesta za domaće proizvođače
  - Obezbeđivanje adekvatnih rashladnih kapaciteta koji bi produžili vijek proizvoda
  - Pitanje penzionog i zdravstvenog osiguranja riješiti minimalnim doprinosima
  - Sistemsko obezbeđivanje repro materijala i otkupa gotovog proizvoda
  - Dodatna stimulacija za nabavku mehanizacije, bezkamatno kreditiranje, po primjeru drugih kantona i općina.
- 
- **Podsticat ćemo osnivanje strukovnih udruženja inženjera i tehničara u svim segmentima privređivanja u cilju afirmacije proizvodnje i poduzetništva.**
  - **Podsticat ćemo razvoj poljoprivrede i proizvodnje zdrave hrane.**
  - **Podsticat ćemo razvoj tradicionalnog zanatstva.**
  - **Podsticat ćemo razvoj turizma.**
  - **Podsticat ćemo uslove za održavanje sajмова za promociju privrede Tuzle.**

## 2. Lokalna samouprava

### 2.1. Realizacija inicijative proglašenja Općine Tuzla „Gradom“

Inicijativa proglašenja Tuzle „Gradom“ na nivou općinskog vijeća Tuzla realizovana je u januaru 2007, god., nakon čega je ministarstvo pravde FBiH dostavilo Vladi FBiH prednacrt Zakona o navedenom proglašenju, nakon čega je proces potpuno zaustavljen. **TUZLANSKA ALTERNATIVA** će se zalagati za što bržu realizaciju i donošenje ovog zakona.

### 2.2. Podizanje nivoa samouprave u mjesnim zajednicama

Smatramo da je mjesnim zajednicama neophodno vratiti status pravnog lica, dati jače učešće u utvrđivanju prioriteta i odlučivanje o lokalnoj komunalnoj problematici, te preciznim planom Budžetskih sredstava obezbijediti njihovo bolje funkcionisanje. Takođe sa pogledom na naredne općinske izbore 2016. smatramo da bi bilo u interesu građana da se njihovi povjerenici u mjesnim zajednicama biraju glasačkim putem, kako bi se izbjegla stranačka ovlast i neefikasnost uprave u istim.

- Izradit ćemo novi Statut Općine-Grada Tuzla, sa novom pravnom pozicijom Mjesnih zajednica usaglašen sa Federalnim zakonom o lokalnoj samoupravi.

### 2.3. Lokalna socijalna politika

- Zajedno sa vladom TK zalagat ćemo se za izradu socijalne karte i socijalnih programa za pomoć građanima Općine Tuzla.
- Konkretnim aktivnostima u mjesnim zajednicama raditi na poboljšanju stanja ugroženih kategorija stanovništva
- Aktivno surađivati sa svim ustanovama iz domena socijalne zaštite na tekućim i novim projektima iz ove oblasti.
- Inicirat ćemo otvaranje „Narodnih dućana“ u Općini Tuzla.

### 3. Komunalna infrastruktura

- Zalagat ćemo se za rješavanje problema saobraćajnog preopterećenja Brčanske Malte. Rješenje vidimo u realizaciji prijedloga nastavka južne magistrale prema naselju Slavinovići te dalje prema izlazu iz grada. Tuzla bi time dobila tranzitni put za potrebe ovakvog tipa saobraćaja, a Brčanska Malta rezervisana za gradski saobraćaj.
- Zalagat ćemo se na izmirenju duga koji vodovod Općine Živinice u iznosu od 6,8 mil. ima prema vodovodu Općine Tuzla, kako bi se novac usmjerio u dalju izgradnju vodovodno-kanalizacione mreže i uvođenja pojedinačnih vodomjera u kolektivne stambene objekte, kao i razvoja vodovodne mreže u perifernim dijelovima grada.
- Insistirat ćemo na nastavku toplifikacije individualnih stambenih objekata u MZ: Bukinje, Šićki Brod, Mosnik, Kula, Mejdan, Jala, Batva, Dragodol i dr. MZ koje su suočene sa ovim problemom.
- Pokrenut ćemo izgradnju „zelenih“ pijaca u stanbenim naseljima: Solina, Sjenjak, Slatina, Batva i Kreka.
- Pokrenut ćemo aktivnosti na što boljem javnom prijevozu u Općini Tuzla, kako bi se stvorili uslovi da građani Tuzle imaju bolji, ugodniji i kvalitetniji gradski prijevoz. Planirane aktivnosti za ovu oblast ponudile bi direktno i jedno od rješenja za postojeću problematiku rijeke Jale.
- Nastavit ćemo aktivnosti na poboljšanju uslova za kretanje invalidnih osoba i izvršiti aktivnosti na izgradnji lifta u JZU „Dom zdravlja sa poliklinikom dr. Mustafa Šehović“ Tuzla.
- Pokrenut ćemo aktivnosti na izgradnji parking prostora i parking garaža na prostoru oko JZU UKC Tuzla - Gradina.
- Inicirat ćemo izgradnju rekreativno-zabavnog parka na Ilinčici, sa akcentom na izgradnju zoološkog vrta i biciklističke/pješačke staze Ilinčica- Vršani-Čaklovići.
- Raditi na proširenju kanalizacione i infrastrukturne mreže prigradskih mjesnih zajednica.

## 4. Sport i kultura

Sport kao djelatnost od javnog interesa zauzima značajno mjesto gotovo u svakoj državi. Sport mora postati važan faktor svjesti pojedinca o zdravlju i ujedno je važan činilac prevencije nastanka bolesti i sociopatoloških pojava među mladima. Olimpijski ideal razvijanja sporta kao poticaja za mir i razumijevanje među nacijama i kulturama, kao i za obrazovanje mladih ljudi, rođen je u Evropi i njeguju ga Međunarodni olimpijski odbor i Evropski olimpijski odbori.

Tuzla je na osnovu broja stanovnika imala najveći broj prvoligaša u bivšoj državi, a sada Tuzla nema gotovo nijedan kolektivni sport u najvišem rangu takmičenja.

### 4.1. Sport

- Inicirat ćemo osnivanje Općinskog „FONDA ZA SPORT“. U finansiranje ovog fonda uključili bi se osim budžetskih sredstava Općine Tuzla i TK, strane firme koje ostvaruju dobit u Općini Tuzla( Merkator, Raiffaisen Bank, Unicredit Bank, NLB Bank, i dr.), domaće državne firme (Elektro distribucija, PTT, Telekom, Termoelektrana, ) i domaće privatne firme.
- Sredstva iz Fonda prvenstveno bi se usmjerila na specijalizovano školovanje trenera iz Tuzle u zemljama u kojima je matični sport najrazvijeniji (slovenački model).

Raspodjelu sredstava bi vršilo profesionalno tijelo (nevezano političkim opredjeljenjem), kojeg bi činili eksperti iz svih sportskih oblasti uključujući i invalidski sport, a bilo bi formirano od strane općinskog načelnika.

- Zalagat ćemo se za kategorizaciju sportskih objekata u Općini Tuzla u skladu sa pravilnikom o kategorizaciji sportskih objekata (objekti Stadion Tušanj i SKPC Mejdan moraju biti priznati kao objekti koji imaju kantonalni i federalni značaj)
- Sredstva iz Fonda prvenstveno bi se usmjerila na specijalizovano školovanje trenera iz Tuzle u zemljama u kojem je matični sport najrazvijeniji.

Takođe smatramo da bi princip otvorenih školskih dvorana vikendom, po modelu hrvatskih škola, bio veoma koristan za školski uzrast, te imao efekat na povećanje sportskog interesa.

## 4.2. Kultura

- Jasno ćemo definisati status JU iz oblasti kulture, sa posebnim akcentom na izgradnji i unapređenju objekata i prostora od značaja za građane i institucije kulture.
- Inicirat ćemo da se iz Budžeta TK i Budžeta Općine Tuzla izdvoje sredstva za rekonstrukciju najstarijeg pozorišta u BiH (JU POZORIŠTE TUZLA).
- Pomagat ćemo razvoj kulture i institucije kulture, zaštite historijskih spomenika i spomenika kulture.
- Pomagat ćemo kulturna društva u cilju masovnijeg uključivanja mladih.
- Inicirat ćemo na rekonstrukciji svih Domova kulture i Čitaonica po mjesnim zajednicama da se dovedu na nivo da služe svojoj osnovnoj namjeni.
- Podržavat ćemo i dalje razvijati sve tradicionalne i druge kulturne manifestacije u Općini Tuzla.

## 5. Zdravstvo

- Inicirat ćemo otvaranje područnih centara porodične medicine sa primarnom zdravstvenom i stomatološkom zaštitom u svim mjesnim zajednicama gdje zato postoji interes građana i ekonomska opravdanost (primjer MZ Kreka).
- Inicirat ćemo da se u istočnom dijelu Općine Tuzle osposobi odjeljenje službe Hitne medicinske pomoći.
- Inicirat ćemo projekat vezan za aktivno zdravlje građana Tuzle „EUROFIT“. Ovaj projekat postoji u EU već dvadeset godina, a služi prevenciji bolesti građana kroz aktivan sistem procjene rizikofaktora bolesti (kardiovaskularni, metaboličkih i lokomotornih).
- Inicirat ćemo otvaranje centra za liječenje bolesti ovisnosti, kao jedina ustanova TK sa posebnim značajem za građane Tuzle. Na ovom polju želimo započeti realizaciju određenih ciljeva, a to su:

- a) Unaprijediti i poboljšati opšte zdravlje svih populacija u Tuzli,
  - b) Započeti sa kontinuiranom prevencijom ovisnosti,
  - c) Osigurati sredstva za liječenje ovisnika o drogama u okviru obaveznog zdravstvenog osiguranja,
  - d) Obezbjediti adekvatne uslove za rano otkrivanje, liječenje i rehabilitaciju ovisnika u lokalnoj zajednici i dr.
- Zalagat ćemo se da JZU Dom zdravlja Tuzla dobije poseban status kategorizacije domova zdravlja na TK.

## 6. Obrazovanje

- Pomagat ćemo i insistirati na poboljšanju kvaliteta usluga predškolskih ustanova i obdaništa, te inicirati otvaranje dodatnih kapaciteta u djelovima grada gdje se ukaže realna potreba.
- Zalagat ćemo se da obdaništa dobiju više sredstava u raspodjeli budžeta, kako bi se još bolje osposobila i bila ugodnija za boravak najmlađe populacije građana.
- Inicirat ćemo da se osnovno obrazovanje i osnovne škole vrate pod ingerenciju Općine Tuzla. Po dosadašnjem principu Tuzlanske osnovne škole (26 škola) su iz kapitalnih izdvajanja dobijala samo minimalna novčana sredstva koja u većini slučajeva nisu pokrivala osnovne potrebe istih.
- Zalagat ćemo se da JU Muzička škola dobije novi adekvatni i uslovniji prostor.
- Zalagat ćemo se za podizanje nivoa studentskog standarda i nastaviti proces realizacije studentskog centra na lokaciji bivše kasarne „Husein Kapetan Gradašević“.



## 7. Ekologija

- Podržat ćemo što hitnije izmirivanje duga za odštetu TE Tuzla prema građanima Tuzle.
- Podržat ćemo planirane aktivnosti na izgradnji i proširenju bloka 7 TE samo uz uslov ispunjavanja mjera zaštite građana i okoline od zagađenja, te redovnu godišnju isplatu procentualnog obeštećenja po primjeru gradova Konjic, Mostar i Jajce.
- Inicirat ćemo da svi industrijski pogoni, kompanije koje rade na području Općine Tuzla, a po zakonu o okolišu moraju imati okolinsku dozvolu za svoj rad.
- Podržat ćemo ekološke projekte "PRIJATELJSKOG OKRUŽENJA" sa svim registrovanim ekološkim zagađivačima na području Općine Tuzla, sa akcentom da se ti projekti implementiraju tamo gdje su područja najugroženija od ekoloških zagađivača.
- Organizovat ćemo plansko pošumljavanje površina koje su uništene neplanskom sječom drveta, te posvetiti veću pažnju gradskim parkovskim površinama.
- U saradnji sa općinama TK podržat ćemo izgradnju kantonalne sanitarne deponije.
- Zalagat ćemo se za izgradnju postrojenja za prečišćavanje otpadnih voda, te time ponuditi dodatna rješenja za problematiku rijeke Jale.
- Uz mala ulaganja, izgraditi namjensku vodenu akumulaciju na području Gornje Tuzle (za koji imamo adekvatnu lokaciju), koja bi povremenim puštanjem regulisala nivo i oticanje rijeke Jale a samim tim i zadržavanje otpadnih voda u njoj.